

Disul 17 Miz Gwengolo 2024


légende

Morhén	Château	Chapelle
Moulin de Rouelle	Calvaire de Lédinnour	Thermes Gallo-Romains de Pervenou
Golf	Moulinage	Parcing
Stèle	Aéroport Quimper Cornouaille	Point de vue

----- Circuito pedestre
----- Circuito VTT

0 0,25 0,5 0,75 1 Km

Skridadozerezh ha kenurzhierzh Pierre Provost, kuzulier dileuriet evit ar sevenadur ha Claude Hélias, gwazva ar c'hehenterezh e ti-kêr Ploveilh. Trugarez da embannadurioù Preder evit al labour treiñ.



DEVEZH AR
GLAD

1 - Chapel Sant Filiber



Savet e oa bet war-dro kreiz ar XVII^{vet} kantved. Renevezet e oa bet e-kreiz an XIX^{vet}, ha goude-se adalek 1995. Ar gumun zo perc'henn warni.

Digor eus 14 h 00 da 18 h 00. Emgav da gemer e degemerva an ti-kêr pe er pellgomz : 02 98 94 25 57 a-raok an 20 Gwengolo, 17 h 00.

2 - Levraoueg a studi Preder (19 hent Pierre Larhant, Menez Kloeder)

Diazezet e 1958, Preder zo ur gevazhe sevenadurel he deus da bal diorren ar brezhoneg kempred. Abaoe 2013, e tegemer ar gumun el lec'h-mañ levraoueg dreist ar gevazhe gouestlet d'an holl henezhoù ha nevez yezhoù indez-europek, rann ar yezhoù keltiek o vezañ an hini pourvezet ar gwellañ.

Digor eus 10h00 da 12h00 hag 14h00 da 18h00.

3 - Meilh Rozulien

Eizh milin a oa gwechall o treiñ er gumun.

Ar vilin dour-mañ, bremañ perc'hentiez an Departamant, zo o paouez bezañ adsavet hag adlakaet en arc'hwel gant kevazhe Milinerion Rozulien. Ouzhpenn he roll kentañ da genderc'hañ bleud, ar vilin a bourvez ivez tredan hag ur sal diskouezañ zo bet digoret.

Digor eus 14h00 da 18h00.



4 - Dismantroù gall-ha-roman

Al lec'h-mañ oa un dalc'hadenn eus ar genkiz roman savet e Gorre Bodivit en eilvet ha trede kantved hon oadvezh. Ar gibellvaou, adti ar genkiz roman zo bet adaozet e 2012. Perc'hentiez an Departamant int.

Load ar genkiz lec'hiet 450 m uheloc'h n'eo ket c'hoazh digor d'ar c'hevredig.



5 - Kastell ar Perennou (tachenn brevez)



Ar maner savet en XVIII^{vet} kantved zo bet brasaet er stil nevezgotek e dibenn an XIX^{vet} kantved. Terket eo bet ar gourliorz en XIX^{vet} kantved gant al liorzhawour Bühler, brudet evit liorz an Thabor, e Roazhon.

Endra m' emañ ar perc'henn, Ao. Christian de Broc, ouzh e adaozañ, ez emdro dibaouez ar gourliorz.

Gweladenn heñchet ar gourliorz da hanter briz (oadourion, 3,50 €) eus 14h00 da 18h00.

6- Lestremeur



Kouldri

E-pad pell e oa stag ouzh kastell An Estreueur. Da-heul susitoù ha rannoù e vo staget ouzh maner Bodivid, hag ar gumun zo perc'henn warnañ bremañ. Eus ar XVII^{vet} ha XVIII^{vet} kantved eo. 998 toull-koulm zo ennañ. Dereziou maen a ya d'ober an doenn. Er vro eo unan eus ar c'houldriou er stad wellañ.

Ar forn-vara

Eus an XIX^{vet} kantved eo. Prenet e oa bet gant ar gumun e 1999. Poazhet e veze bara enni evel-just, met lakaet e veze d'ober ti-kouez ivez. Distrujet e oa bet evit ul lodenn anezhi e 2005 hag emeur o paouez adsevel anezhi.

Ar c'houldri hag an ti-forn a vo digor d'ar c'hevredig eus 10h00 da 18h00.

Gweladenn displeget gant an Ao. Jean-Pierre Royant, istorour, ezeilmaer Ploveilh eus 15h00 da 15h30.

Ar poull-dour - Lakaet e oa d' ober ur pesklenn gant tud kastell An Estreueur.

Ar feunteun hag ar stêr - Eus an XIX^{vet} int moarvat.

Ur wezenn heverk

O tistremen al lenn war du an Odet, e c'hellit gwelout ur morgoad dezhañ un adeiladezh souezhus, ur wezenn bupli du gant pemp kef neuz ur stlejvil dezho. Ar wezenn-se zo rummet « heverk » e Breizh.



7 - Glad Ploveilh



Glad Ploveilh, krouet daou vloaz 'zo, zo ur gevredigezh, engwezhet e nevesaat ar glad bihan, a vo bezant e lec'hienn Lestremeur.

Un doare da gejañ gant izili ar gevredigezh ha da eskemm ganto a-zivout an oberoù hag ar raktresoù.

Darempred : virginie.mak@gmail.com

8 - Iliz ha bered Bodivit (tachenn brevez)

E kichen ar maner e kaver an iliz gozh eus ar XV^{vet} kantved arnevesaet gant ar berc'henned, an itron hag an aotrou Van den Broek. Er vered ez eus 12 bez a zo d'ar familh an Déan (eus 1779 ha 1818 eo ar re goshañ anezho).

Aotreet omp gant ar berc'henned da vont enno etre 14h00 ha 18h00.



9 - Levraoueg Pennanros (tachenn brevez)

Digor e vo levraoueg ar maner.

Gweladennoù da 14h00, 15h00, 16h00 ha da 17h00. Trugarez d'ar weladennerion a en em gavo e enkerzh ar maner da zoujañ d'an eurvezhoù-se.

Trugarez da deurel pled ouzh an endro !!!

Evit muioc'h a stlenn a-zivout istor ha glad ar gumun, lennit levr Jean-Pierre Royant e gwerzh en ti-kêr : **Plomelin : 3 000 ans d'histoire.**

An dinaz a drugareka evit o ferzhiadur hegarat, ar berc'henned hag ar gwirvoziaded a skoazell da zigeriñ d'ar foran lec'hioù 'zo deskrivet el levrig-mañ.